

bis usque os (ut aliquo intervallo ab ipsius medio in sinistru latu deuiet) tentanda est. Insuper in hac sinistra peritonaei parte è directo umbilici sectionem uersus sinistru ile molieris, & superiorem eius peritonaei partem ad costas, inferiorem uerò uersus coxam reflectes. Leuata autem nunc sursumq nonnihil reuoluta, seu dextrorsum in uersa peritonaei dextra parte, uenae ex umbilico in iecur pertingenti animu adhibebis, quae potius funi multo adipe obliito, quam uenae respondet. Hanc quae iecori proxima est, & ubi duntaxat à peritonæo abscedit, sinistra manu apprehendes, & acutiori cultello inter ipsam & peritongum iniecto, transuersis sectionibus eam ad umbilicum sensim accedens à peritonæo diuides. Quo quum perueneris, intacta uena, ab umbilici dextro latere ad ilia usq sectione in peritonæo duces, eam peritonaei partem, quae nunc libera est, super dextri lateris costas reflectens. Caterum iam adhuc una peritonaei pars, quae in dextro latere inferior est, umbilico cōnata manet, nōdum ue libera pendet, quare ut & hanc liberes, neq aliquid interim uities, umbilico sinistra manu comprehenso, ab ipsius dextro latere, sectio in hanc peritonaei partem ad pubis usq os facienda est, quae digitorum aliquot latitudine à pubis ossium commissura in dextrum declinet. In uersa modò peritonaei particula, quae triangularis adhuc ab umbilico ad pubis os ac uesicae fundum pertinet, tres quasi funiculi inuicem apposit, atque illi peritonaei parti interius adnati uisuntur, qui studiose cultello acutiori ab ea sunt diuidendi, ipsiq funiculi inuicem attentè dirimendi ueniunt, ne in homine uersus pubis ossa nimium liberè sectionem producents, uesicae fundum uulneres. Hominis nanque uesica, eo quod tota anteriori sede peritonæo connascatur, multaq pinguedine obducatur, ita rudibus imponit, ut hic uesicam reponi ignorent, uesicam quaerentes, quae ipsi in hominibus perinde atque in bobus & canibus occurrat. Quum itaq haec nō oscitanter expenderis, medium funiculum uesicae fundi medio innasci, & nusquam à peritonæo abscedere obseruabis; reliquos autem duos secundum uesicae latera deorsum, penitusq ad arterias per pubis ossium foramina in crus delapsuras porrigi conspicias, modò eos à peritonæo acutiori cultello ad illorum usque insertionem liberare non pigeat. Medius funiculus, meatus est, quo è uesica, quū utero gerimur, urina in mediā foetus tunica, quae à farciminis specie nomen inuenit, excernitur. Reliqui autē duo, arteriae sunt, quibus naturalis foetus calor recreatur. Verū neq haec tria corpora, neq id quod iecori inseritur, ullam nunc cavitatē habere uidebuntur, sed plane mortua aridaq & multo adipe enutrita apparebunt. Vnde etiā alios Anatomes latuerunt procures, ea omnino aboleri in natis hominibus, quemadmodū in canibus ferè accidit, asserentes. Caterū posteaq uenae ab umbilico iecori insertae implantionē se dulo in spexeris, integrum est, eam cum umbilico, quem haecenus seruaisti, deinde & tres alios funiculos rescicare, animaduersoq peritonaei ad uesicae fundum connexu, sectionem ad omentum cōferes. Reliqua enim quae in peritonæo adhuc uidenda supersunt, nisi paulatim organa hoc obcincta abstuleris, uidere nequis. Porro priusquam aliquid loco dimoueas, omenti situs uenit obseruandus, num scilicet ut in canibus & porcis, atque adhuc multo magis in simijs, ad pubem usq id sub uesica posteriori sede exporrigitur: an uerò (uti frequentius obseruatur) uersus sinistru latu reuolutum, sursumq etiam supra mediā intestinorum sedem contractum occurrat. Si postremum illud inuenieris, utraque manu humiliter omenti extremum modicè eleuabis, ac sensim aquiliter deorsum detrahens id omnibus intestinis ad pubis usque os obtendes, ita enim quantum sit, quodq interdum ad inguina & scortum & inter uesicam & uteri ceruicem deuolui possit, condisces. Ut uerò omenti ad colum intestinū, quā uentriculo id exporrigitur, connexū cernas, duabus rursus manibus humiliorē omenti finem sursum ad pectoris os attolles, & priusquam aliqua ex parte inferiorem omenti membranā partem, quae ueluti ex tertia coli intestini tunica enascitur, à colo disseces, omentum quā possis maxime pectori obtendito, ac intestinorum situm summa qua poteris industria solis utens manibus inuestigato, & primum anteaquam alicuius intestini locum perturbes, ipsa ut se eleuato iam omento spectanda offerūt, ad amissim contemplaberis. ut quū cuiusq intestini ductū didiceris, cui peritonaei regioni unumquodq uiciniū sit, in medicamentorum usu & affectibus dignoscendis perspectum habeas. Simulatq igitur id accuratè neq obiter profecto obseruaueris, dextram manum recti intestini quā id ossis sacri incumbit initio, accommodabis, & sinistra manu tenuia intestina leuiter in dextrum deprimes, non quidem omnia, sed eorū partem quae dextrae manui quum à recto conscendes, in progressu erit uicinior. Ad hunc itaq modum sinistra dextrae famulati, à recto intestino sensim dextram colo ad mouebis, atque secundum ipsius ductum reuolutionesq ad sinistri renis sedem, hinc ad lienem & fundum uentriculi pertinges. quò quum perueneris, mutato manuum ministerio, sinistra colum est apprehendendum, dextra uerò tenuia intestina in sinistru modicè depellenda, quousq omnē fundi uentriculi sedem, iecurq superaueris, & colum sub dextri renis

Vmbilici uer-
forum praefec-
tio.
Omenti situs
obseruatio.

Intestinorum
tus examen.

renis regionem (ubi finit) deduxeris. Huc enim quum pertigeris, sinistra manu coli terminum modicè subleuabis, ac cæci intestini situ, formaq similiter obseruata, manu dextra simul cuncta sinistra apprehendes, & utrisq manibus sibi proximis, isdemq ab intestinis nunquam remotis, à colo mox ductus ilei intestini, & dein ieiuni sequeris, quod factu longè est facillimum, usque dum perueneris ad ieiuni principium, quā sub colo retorquetur, ac dorso quodammodo alligatum duodeno continuatur. Quapropter ut uniuersus intestinorum ductus tibi occurrat, dextra adhuc ieiunum complecteris, sinistra uerò inter iecur & dextram uentriculi sedem intrudes, duodeni intestini inquirens principium: quod ubi inuenieris, deorsumq secundum ipsius ductum descenderis, ieiuni intestini principium, & quae illi proxima est pars, quamq dextra adhuc amplecteris, etiam innotescet. Si modò lubet (quod & faciendum maxime consulo) poteris à ieiuno ad ileum, & hinc ad caecum ac colum, & à colo ad rectum contrario ductu intestinorum situm secundò examinare, nulla interim (ne quid uulneres) facta auulsione. Perpenso intestinorum situ, ac ijs utcumq in suum locum repositis, omentum rursus intestinis est obuol uendum, uentriculiq iecoris & lienis situs uenit examinandus. Primum itaq inter septū transuersum & iecoris gibbum, manum inferes, ut illius gibbum ligamenta in cōspectu ueniant, ac quò nam pacto ex præcipuo iecoris ligamento tenue ipsius inuolucrum nascatur intuearis, manum transuersim hinc inde ducens. Deinceps inter iecoris cauum & dextrum uentriculi latus sinistram manum, dextram uerò inter septum & latus uentriculi sinistru impones, paulatimq inuicem adductis manibus, ad uentriculi superius orificium accedes. quod in conspectum uenit, si modò iecur sinistra sursum non nihil protruseris, & dextra uentriculi corpus deorsum compresseris, atque una eademq opera iecoris cauum ac uniuersum ipsius situm obiter examinaueris. Præter hæc, ea quoque operatio uentriculi sedem etiam accuratè cōmonstrabit, dummodo hinc inde, nunc iecur sursum trudens, nunc uentriculum deprimes, manus ducere non detrectes. Lienis porro sedem adinuenies, si inter sinistru uentriculi latus & septum transuersum, sinistra manū immiseris, uentriculumq cum colo intestino hac excurrente, in dextrum latus attraxeris: siquidem tunc lienis superius & dimidium ipsius caui latus sese uisui offerunt, et si dextram manum inter lienem & septum transuersum mediam immiseris, lienemq modicè eleuatum uersus uentriculum protruseris, ipsius quoque gibbum apparebit. Quo tamen hæc omnia leuiori negotio conficias, nō erit inutile interdum aliquod costarum interuallum arcto uulnere ad thoracis usque amplitudinem pertundere. Quum primum enim thoracem uulneraueris, septum transuersum deorsum concidens insigniter flaccescit, quantumuis etiam uehementer antea tensum, sursumq attractum, iecur & uentriculum in thoracis amplitudinem sursum duxerit, difficilèq horum inspektionem ob id parauerit. Caterum iam omenti membranæ inuicem sunt dirimendæ, quod fiet, si dextram omento subieceris, hacq inferiorem membranam sinistra uerò manu superiorem apprehendere, trahereq studueris. hæc enim oculus inuicem dirimuntur, mar supij, seu sacculi speciem cōmonstrantes: qua uisa, inuicem membranas adeò diuelles, ut alibi lacerentur, commodeq manum in illarum amplitudinem inferas, & utrinq in lateribus, & humiliori omenti sine superiori membranā ab inferiori discerpas. Iam inferiorem membranā intestinis exporrectā sinere conuenit, & superiorem adeò pectori supertendere, ut elatius uentriculum è sua sede eleuet, quod si nō successerit, so dalis manu id facias oportet, ut cōmodè inferioris omenti membranæ exortus, quæq per ipsum ferunt organa in conspectu ueniant: ac discas pariter, quò nam pacto hæc in hominibus colo intestino mesenterij uice sit, tota ea sede quā colum uentriculi fundo attēditur. In hac enim membrana ubi uentriculo substernitur, minor portæ uenae trūcus ferri, suosq in quos digeritur ramos educere, apparebit. Deinde præter truncū conspicietur arteria, quae lienī, uentriculo, iecori, bilis uesiculæ, & ipsi demum omento furculos deriuat. sic quoque & arteriae radix, quae superiori sede mesenterij disseminatur: deinceps & nerui duo, quorum dexter iecori bilis folliculo, & dextri fundi uentriculi sedi, & hac quoque parte omento spargitur, sinister uerò lienī & sinistri fundi uentriculi sedi, ipsiq dextrae omenti parti distribuitur, & ante hæc omnia in humiliori omēti membrana, quā uentriculo subiacet, corpus glandosum, uasorum & neruorū seriem muniens cernitur. Hæc obiter, neque ullo adhibito cultro in præsentia sunt intuenda, manibus tamen summisq digitis superior omēti pars diligenter est inquirenda: quam obseruabis, si ministri operæ uentriculo semper eleuato, ac uelut ad superiora truso, ab ipsius fundo deorsum uersus iecoris cauum, ubi omentum simul multa colligat corpora, & hinc per dorsum quā arteria magna septum permeat, secundum lienis caui ad uentriculi fundum usq deueneris. Hic enim superior est omenti circulus, & si illud saccum marsupium ue esse dixerimus, eius orificium. Quo nam pacto autem ipsius ortum adinuenias, paulo post dicam. In præsentia enim uentriculo in suum locum

Ventriculi, iecoris & lienis situs examen.

Quæ iecur, uentriculus, lienis, ueluti in thorace cauitatem tracla, deorsum protrahi queant. Omentum quid diuellentis, ipsiusq ortus inuicem ligandus, una cum uasis illo suffultis.

g Corpus ad imaginem figure patet.

h A P ad Q. 6 fig. i Spectabatur omnia quæ & 4 figura characterebus insigniuntur.

2 Ad T. 6 et 8 fig.

4 Scitum 8 fig. 5. 6. 7. 8. 9. 10. 11. 12. 13. 14. 15. 16. 17. 18. 19. 20. 21. 22. 23. 24. 25. 26. 27. 28. 29. 30. 31. 32. 33. 34. 35. 36. 37. 38. 39. 40. 41. 42. 43. 44. 45. 46. 47. 48. 49. 50. 51. 52. 53. 54. 55. 56. 57. 58. 59. 60. 61. 62. 63. 64. 65. 66. 67. 68. 69. 70. 71. 72. 73. 74. 75. 76. 77. 78. 79. 80. 81. 82. 83. 84. 85. 86. 87. 88. 89. 90. 91. 92. 93. 94. 95. 96. 97. 98. 99. 100.